



**Komisija za izbor i praćenje rada Agencije za prevenciju korupcije i koordinaciju
borbe protiv korupcije**

Broj: 01,02-50-1-910- 2 /10

Sarajevo, 23.8.2010.

Z A P I S N I K

**2. sjednice Komisije za izbor i praćenje rada Agencije za prevenciju korupcije i
koordinaciju borbe protiv korupcije**

Sjednica je održana 23.8.2010., s početkom u 11sati.

Sjednici su prisustvovali članovi Komisije: Niko Lozančić, Beriz Belkić, Milorad Živković, Dušanka Majkić, Ilija Filipović, Milorad Vulić i Mirsad Abazović.

Član Komisije Sulejman Tihic bio je opravdano odsutan.

Osim članova Komisije sjednici su prisustvovali: Marin Vukoja, sekretar Doma naroda PSBiH, Sadka Đonko, Željko Grubešić, Željko Kosmajac i Alma Salkić-Mijić iz Sekretarijata PSBiH.

Sjednicu su pratili Zoran Brkić iz Sektora za odnose s javnošću PSBiH, te predstavnici medija u BiH, međunarodnih i nevladinih organizacija.

Predsjedavajući Milorad Živković konstatirao je da postoji kvorum za rad Komisije.

Komisija je jednoglasno usvojila sljedeći

D N E V N I R E D

1. Usvajanje Zapisnika konstituirajuće sjednice Komisije;
2. Otvaranje i razmatranje koverata - prijava pristiglih na Javni konkurs;
3. Tekuća pitanja.

Ad.1. Usvajanje Zapisnika konstituirajuće sjednice Komisije

Zapisnik konstituirajuće sjednice usvojen je jednoglasno, bez primjedbi.

Ad.2. Otvaranje i razmatranje koverata - prijava pristiglih na Javni konkurs

Predsjedavajući Komisije upoznao je članove Komisije i prisutne goste da je Javni konkurs objavljen u "Službenom glasniku BiH", broj 59/10, od 20.7.2010., "Večernjem listu", "Oslobođenju" i "Nezavisnim novinama", 21.7.2010., "Službenom glasniku Brčko Distrikta", broj 24/10, od 28.7.2010., i na veb-stranici Parlamentarne skupštine BiH, 20.7.2010.

Krajnji rok za podnošenje prijava bio je 4.8.2010.

Komisija je konstatirala da je na Javni konkurs pristiglo 20 prijava. Uvidom u pristigle koverta, na osnovu pečata pošte, Komisija je utvrdila da su prijave Mirka Miličevića i Gorana Krtalića pristigle nakon isteka roka utvrđenog Javnim konkursom. Konstatirano je da je Javnim konkursom utvrđeno da neblagovremene prijave neće biti razmatrane. Iz tih razloga prijave nisu razmatrane.

Komisija je pojedinačno i detaljno razmotrila svaku prijavu kandidata i dokumente dostavljene uz nju. Nakon uvida u dokumentaciju svakog prijavljenog kandidata Komisija je utvrdila da pet kandidata ne ispunjava uslove Javnog konkursa. Naime, Komisija je utvrdila da, u skladu s Javnim konkursom, kandidati:

- Saša Govedarica, Damir Vejo i Nermin Mrkaljević uz prijavu nisu dostavili ovjerenu izjavu da nisu otpušteni iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu od tri godine prije dana objavljivanja upražnjene pozicije,

- Amela Dautbegović-Stokić i Ognjen Zekić uz prijavu nisu dostavili dokaz o traženom radnom iskustvu na rukovodnim poslovima u trajanju od pet godina u odgovarajućoj oblasti, izdat od relevantne institucije.

Javnim konkursom utvrđeno je da uz prijavu i ostale dokumente kandidat treba dostaviti dokaz da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini.

Komisija je utvrdila da kandidati Zoran Đerić, Milanko Renovica, Sreto Pekić i Milan Krulj nisu dostavili navedeni dokumenat zbog toga što se on po Krivičnom zakonu Republike Srpske ne može izdati na zahtjev lica. Iz tih razloga Komisija je zaključila da će navedeni dokumenat tražiti službenim putem.

Komisija je jednoglasno zaključila da su prijave Saše Govedarice, Damira Veje, Nermina Mrkaljevića, Amele Dautbegović-Stokić i Ognjena Zekića nepotpune, te da ne ispunjavaju formalne uslove Javnog konkursa.

Komisija je jednoglasno donijela sljedeće

Z a k l j u č k e

1. Kandidati Izet Nizam, Zoran Đerić, Milanko Renovica, Sead Lisak, Radoje Badnjar, Jasmin Jaganjac, Sreto Pekić, Ramiz Huremagić, Blanka Benković, Dragan Slipac, Vukašin Crnjak, Ismail Sarić i Milan Krulj ispunjavaju formalne uslove utvrđene Javnim konkursom.
2. Za kandidate Zorana Đerića, Milanka Renovicu, Sretu Pekića i Milana Krulja, Komisija će od nadležnog policijskog organa zatražiti dokaz da im nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini.
3. U skladu s članom 24. Poslovnika o radu, Komisija će uputiti zahtjev Centralnoj izbornoj komisiji BiH i Državnoj agenciji za istrage i zaštitu da u skladu sa Zakonom o Agenciji za prevenciju korupcije i koordinaciju borbe protiv korupcije izvrše provjere za navedene kandidate.
Nakon što Centralna izborna komisija BiH i Državna agencija za istrage i zaštitu izvrše provjere kandidata bit će sazvana sjednica Komisije na kojoj će se obaviti intervju s kandidatima. U pozivu za intervju bit će navedeno da kandidati budu spremni da prezentiraju Komisiji svoju viziju rada, rukovođenja i ulogu u borbi protiv

korupcije iz nadležnosti Agencije za prevenciju korupcije i koordinaciju borbe protiv korupcije.

Ad.3. Tekuća pitanja

U okviru ove tačke nije bilo pitanja i rasprava nije vođena.

Sjednica je završena u 13,05 sati.

Zapisnik sastavila
Alma Salkić-Mijić

Predsjedavajući Komisije
dr. Milorad Živković